

Peqqinnissaqarfiup sullissineri il.il. pillugit Inatsisartut peqqussutaata allanngortinneqarnera pillugu Inatsisartut peqqussutaat (Sullissinernut il.il. peqqinnissaqarfiup akiliisitsisinnaaneranut inatsisitigut tunngavissaq ersarissaq)

§ 1

Peqqinnissaqarfiup sullissineri il.il. pillugit Inatsisartut peqqussutaanni nr. 15-imi, 6. november 1997-imeersumi, Inatsisartut peqqussutaatigut nr. 12-ikkut, 14. november 2004-meersukkut allanngortinneqarsimasumi makku allannguutigittinneqassapput:

1. § 24 imaattunik oqaasertaqassaaq:

"§ 24. Malittarisassat matuma siuliani aalajangersarneqartut tunngavigalugit akeqanngitsumik sullissisoqarsinnaatinnagu, Naalakkersuisut akiliuteqartitsisarneq pillugu malittarisassanik aalajangersaasinnaapput."

2. § 25 imaattunik oqaasertaqassaaq:

"§ 25. Pisuni Inatsisartut peqqussutaatigut matumuuna aalajangersaavigneqarsimanngitsuni atortussanik, iluaqusersuutinik, peqqissaanermi atortussanik kiisalu sullissinernik allanik akiliisitsilluni tunisinissamik Naalakkersuisut isumaqatigiissuteqarsinnaapput.

Imm. 2. Napparsimasimasunut naammassineqartumik katsorsartissimasunut paaqqutarinniffissatut inissat pillugit ataasiakkaartunik ataatsimoorussanillu isumaqatigiissuteqarnermi atugassarititaasut kiisalu atortussanik, peqqissaanermi atortussanik, iluaqusersuutinik sullissinernillu allanik tunisinermi atugassarititaasut pillugit isumaqatigiissuteqarnissamut malittarisassanik Naalakkersuisut aalajangersaasinnaapput."

§ 2

Inatsisartut peqqussutaat atuutilerpoq 1. januar 2007.

Namminersornerullutik Oqartussat, 20. november 2006

Hans Enoksen

/

Agathe Fontain

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut